

皇清文穎續編

皇清文頴續編卷八

記

大閱記

錢陳羣

臣聞帝王撫馭萬方曰德曰威二者兼施互用如水  
火之相乘寬猛之相濟以措天下于磐石之安者是  
道得也周禮仲冬大閱所以簡軍實而修戰法鄭氏  
注曰空辟實其制視春蒐夏苗秋獮典加重焉穀梁  
氏曰修教明諭國道也春秋書曰不專以失時畏強

隣二義致譏魯不得行天子之事其微旨也周禮大司馬掌之訓民禦暴其備宜豫惟天子得行之虞人萊所田之野爲表識正行列積二百五十步爲四表抑何隘也古無一定之地每歲污萊可陳之處責之虞人而已自漢以後陣法不講上林羽獵則又矜詡近誕均非王者教坐作進退疾徐疏數之道徵實者不取焉我

太祖

太宗誕膺圖籙建邦起土創兵法之制立二十四旗  
旗分以八按旗立號分之則各有統帥合之則首尾  
相應如四時日月之錯行代明而不失其序蓋合孫  
吳司馬管子諸葛之成書而集其大成

世祖正位凝命祇遵

成制相度神臯于國門之南周繚規四十里近郊平  
衍土泉滋殖曰南苑爲講武地建元靈宮栖神護國  
逮我

聖祖智勇天錫克迪

前光文德武功燦爛史冊

世宗繼序守文中外寧謐以時幸其地振旅菱舍于  
以獮于以狩凡以震戎懾狄宣播聲靈蓋有不用之  
兵無不講之武我

皇上御極之四年己未大閱于南苑覲揚隆典載在  
起居爲萬國稟程二十年來直省督撫提鎮以至邊  
防裨將水陸戎行莫不凜

睿謨惟謹以時訓練周術所隸罔敢少弛十三年冬  
金川髡髮遺種恃險仇鄰

命將討之首誅偵諜者羌首袒伏卽日班師至若龍  
沙以北旃裘毳幕馮陔阻穴如布魯特哈薩克諸回  
部分安幽滯莫由自通準噶爾額魯特部落較彼稍  
近我界實障蔽之癸酉甲戌之歲四衛拉特部內都  
爾伯特台吉等先後率衆來歸且愬達瓦齊罪狀

皇上撫其來遣兵速平其難師出未逾時達瓦齊勢

窮歸命宥其辜而錫以爵伊犁遂入版圖

聖度如天彼負罪如達瓦齊者且子蠲滌矧茲歸附  
者耶迺夷性貪狡狂悖凱旋時阿逆內不自安亡命  
逃竄

上赫然震怒命速追捕則狼狽鼠伏旋受冥誅而黨  
惡之小和卓木奔入回部我師躡之凡經過之回部  
歡喜雀躍以得見

天兵爲幸願助順効力以跡逆黨並言托生絕域無

由仰見

天顏昔也鬱沒今也昭晰莫不回首面內各獻牲畜于麾下將臣飛章達之

上允其請至期

駕自木蘭將歸熱河布魯特使臣先至

賜宴于山莊又數日迴

鑾西哈薩克亦至仰覲後

賜宴南海子明日大閱典禮如初鉦鐸鐳鏡之數步



伐止齊之則按號列陣風飛雲集

上躬擐寶甲犒軍勞士歡聲若雷得

旨未數日羽林禁旅用命如響以教之豫也

臣謹案

周制大閱備戰法以示威所懾者僅在畿內諸侯因朝而來列國侯伯有入爲卿士者王以賓禮待之乃在執事之列非若

今日之絕徼遠夷望

闕馳萬里獲覩斯

大典也噫盛矣伏思夷情叵測飢附飽颺狙詐反覆  
大略相類今者笙簧酒醴柔之以德豨豨軍旅震之  
以威于神武不殺之仁寓止戈爲武之義經傳所書  
有未可同日而語者矣

聖天子宅中馭遠之精意所謂神而明之存乎其人  
默而成之不言而信又豈珥筆史臣所能揚挖萬一  
也哉是歲十月之吉旣頒來歲之朔于天下則

龍飛之二十四年也蓋兩紀中凡再舉斯典云

臣陳

羣拜手稽首謹記

重遊留餘山居記

錢陳羣

山陰人陶驥得十笏地于南山之北麓薙草蒔花爲別墅居無何遊人之探幽領異者往往憩集至止用相嬉娛遠近咸稱爲陶莊焉汪生文烈陶氏婿也館于陶遂代爲開闢見蒙茸塵坌中特有泉泫泫從草間注入石隙迺益加搜剔兩崖始露崖客分若壁立可容人行壁陡絕壁上瀑由南山諸礪淥然彙流而下拂石琮琤成聲響若絲絃兩崖離卽間有怪石長

丈餘橫亘若梁雲根盤錯無罅可跡西湖諸名勝星羅繡湊不可枚舉獨少瀑布得此如谷簾者點綴不減賦海之包括奧區矣乾隆二十一年恭聞

皇上再幸南邦文烈呈請當塗願敬謹增葺以備憩陟緣麓治山徑迤邐西折構長廊列度亭榭憑凌一睇城廓籠嵒烟火數十萬家鱗次櫛比如指諸掌稍南遠眺江聲海色浩淼無際晦明風雨晨夕異景縱目所如雖韜光最勝處弗是過也明年春三月

上駐蹕西湖行宮兩

幸其處

御書留餘山居四字顏之復

賜詩五章冠古轍今籠括萬象莫可思議易曰聖人  
作而萬物覩詩曰媚于天子我

皇上宵旰勤民敷天衷對

特舉省方之典德洋恩普炳煜羣倫原未嘗以登高  
攬勝稱遊豫之大觀而

聖德所格被天闡其符地呈其瑞雖一草一木亦日  
異歲新以發雨露之光而況含齒戴髮跂息于太和  
之宇者有不延頸企踵爭先踴躍以獻媚茲之忱者  
哉故茲石茲泉視西湖名勝奚啻稊米之在太倉也  
而靈異所稟不終以泥土自蔽實造物者留此以乘  
時自見耳乾隆二十三年秋九月薄遊湖上支烈導  
遊于此仰瞻

宸翰恭誦

天章重爲泉石稱慶云



聖駕三巡江浙記

觀保

惟

皇天親有德饗有道用集命於我

大清

列聖繼承垂統錫祚亦惟時無逸作所知小人之依  
用顯承無疆丕緒洪惟我

皇上繩其

祖武挈提天綱恢拓地紀於今二十有七年功至德

洽淳耀景錄允邁乎三古東西朔南罔弗延頸跂踵  
向風慕義惟茲禹貢揚州之域旣庶旣繁夙昔光被  
神化歲辛未

皇帝始巡狩於茲土丁丑再巡焉凡厥庶民含醇飲  
和若

天日之表常在心目矧惟數載來統壹覆載赫聲濯  
靈迹聽相告曰我小人聞父老傳述

聖祖蕩平朔漠六至南服今

皇上勘定伊犁回部納土戎索二萬餘里我惟時其  
奄有之重光載紀恭際

聖母皇太后七旬萬壽祥符協應璧合珠聯建非常  
之功膺非常之瑞早夜以冀循舉舊典

雲日式臨俾我民登躋壽昌哉先是岳牧達民之虔  
請於辛巳年臨幸江浙

制可其奏尋以

廩念江介數邑歲收稍膏爰

命展期遂諷壬午歲首春之吉奉

安輿戒清蹕繇冀及充至於徐淮睠茲澤國四瀆所  
經厥有源委曰黃曰運

皇帝曰咨宣防轉漕所關綦鉅在昔

聖祖神謨咨度編諸金簡玉書曰者

六飛載泄自淮揚溯徐邳遏漲勢導閼流濬支渠立  
水門或入於江或達於海閒有霖潦慶安瀾焉而猶  
以增卑培薄與操舟制器日從事其中非一勞永逸

計也迺

命重臣先行履勘標識道里俟旋

蹕取道相其機宜而指示焉若夫浙江濱海之區朝  
潮夕汐塘工是賴我

世宗初元特紆

宸畫鉅工疊舉迨尖塔兩山旣翕中壘遂通不啻尾  
閭沃焦然底定之期適當

首出波恬颺歛以迄於今而頻年以來潮勢漸趨而

北

睿慮綢繆恐貽海疆諸邑之患惟累石以易柴塘乃  
可爲永久保障計既下其議於廷臣遂紆道

臨尖山躬親循視試下捷則沙性澁汕扞格動搖弗  
能勝也或稱移築舊塘以內厥土爲宜則又必湮阡  
陌毀廬舍乃可規而爲之

天子曰咨衛民而轉以殃民乎且遂廢外塘乎抑兩  
利而存之乎乃

命定歲修固塘基下竹木資擁護增薪材之值使閭閻樂於趨事而官司易於鳩工並

詔於沙漲既退之日大吏具以

奏聞誠謀往復至再至三

宵旰憂勤形之歌詠旣刻貞珉永昭

明德矣迺

親臨河壩折衷羣議於洪澤諸湖分引注江者疏濬深通若建瓴水而歸之巨壑尤以廣疏清口爲最要

時按水勢消長尺寸以視爲翁關俾流常駛而體自平誠因勢利導之

大智

淵衷默運河定民安更設官吏於六塘加旣斃於高堰及於毛城之蓄洩濰河之濬導靡不準成規籌萬全猗歟勤哉雖櫟櫛之乘响嘯之刻無以尙也若夫重農省耕以休以助則月正二日卽

特詔蠲江浙遭賦三月以浙江積逋較寡因



命吏餉竈課并從蠲免外此或緩征輸或加賑貸而  
道里所經及都會之地惟正有供悉分別給復損上  
益下其道大光他如留漕粟給兵糧裕商賞惜工力  
山川名勝因其自然毋競粉飾舟車來往者毋或阻  
滯於是麗眉鮐背扶杖而觀

德化者

賜之金帛擢紳子衿陳詩獻賦者

召試而第其甲乙授官錫幣有差增廣博士弟子員

具如故事林下老臣昨冬跋涉祝

釐今茲來迎無遠厥宅里居鄉自好者延以世賞屢  
從卿尹近其家者予以便道歸視八疆考績黜陟大  
明而蠹吏罷民則務絕萌芽在易傳曰中正以觀天  
下洵省方觀民之隆軌矣迺迺

天仗至於

闕里登於岱宗蓋我

皇上徇濟敦敏本於性而

念典緝熙隨在皆學道統符契千載同揆至若奉  
慈寧覽富庶瞻江山之秀騰墨海之瀾懷古對時  
奎章煥發札不暇副簪筆之倫莫能津逮萬一懿斯  
舉也法

祖奉

慈以昭孝觀風展義以敷教行慶施惠以廣澤考禮  
正刑以一德制合乎經典而瑞應乎

皇天蓋惟

聖朝重熙累洽百二十年涵煦生息曠古未有而兼  
容徧覆海陬山徼如出入堂戶無戒心父子祖孫不  
聞有徭役徵召事豈尚虞疾苦壅於見聞而沿革異  
宜風俗殊治心之精微言不盡意自非屢經

指畫無以求厥寧而觀厥成粵稽巡狩之典虞廷五  
載周室十二年後世罔或繼軌越數千祀復際

中天復超前古民生其間何其幸歟臣以凡庸猥塵

禁近未獲追隨

豹尾伏覩

詔書所下踴躍懼忤竊復紬繹詮次而詞指淺陋不足  
以繪

乾坤日月之容光謹稽首頓首恭記

聖駕東巡記

阿桂

皇帝曆

天成命四十有八年繹思

祖

宗興業造功以奄有九有之師啟無疆大寶祚景嗣  
前烈是祇是勤顧瞻

舊都神臯隩宅

山陵遂鞏

陟降攸憑粵自乾隆癸亥甲戌以洎戊戌式循彝章

三修

謁祭之禮隆儀甚宣

孝德光被迺者

特詔有司選和闐貢玉新作

冊寶格于

太室而以舊所奉者尊藏

盛京

太廟洪昭

列聖之丕庥顯光闡示無極將

遣皇子諸王等翊奉以行

皇帝曰朕巡省舊京肅拜

園寢於今五年維艱難締搆之緒夙夜常在朕心益  
宜以時敬申報饗其以孟秋啟軫熱河有事于

三陵夙戒所司一如舊典迺五月甲寅

車駕發自



御園

駐蹕避暑山莊越六月丙子復

詔以伏暑閔勞烝徒令太史改卜吉日

恩意滂浹歡聲雷動越八月壬申恭遇

萬壽聖節

上御瀋泊敬誠殿詣藩從官入賀如儀越三日乙亥  
自

惠迪吉門

啟蹕東巡蒙古科爾沁土默特諸部落皆除道成梁  
奔走恐後所在躡肆節次生殖蕃阜一比內郡縣塞  
田畝一鍾刈獲彌望咸感荷

聖朝涵濡休養之厚澤踴仰

羽蓋幢歌載塗爰循柳條邊以東入九關臺門將軍  
侍郎府尹以下緣道迎謁各修乃守越九月戊戌  
車駕至

與京謁

永陵越五日癸卯謁

福陵若翼日甲辰謁

昭陵功臣陪塋以次

賜酌祀事儼恪蕭蕩辟升

神明居歆多福單厚乙巳

車駕入

盛京徧禮于

天壇

地壇

堂子

太廟還

葺舊宮瞻視棟宇

皇情愜穆越三日戊申肆覲于

崇政殿朝鮮國王遣陪臣奉表起居鞠廳在列

賜詩褒錫慶賚有加遂大宴羣臣頒幣以差中外愷  
樂若翼日巳酉於

三才圖會卷之九  
官中行祀

神禮庚戌發自

盛京先是有

詔推恩給復奉天所屬租稅一年行所過者牛之除  
莊頭輸倉粟萬餘石旗地歲納米豆草束十之五囚  
輕繫以上至徒流減免如例民男婦七十以上優以  
粟帛廣博士弟子員額凡扈從王公諸臣暨大吏郡  
吏之有執事於

行在者差別叙錄具準乙未巳亥乙巳丙午節次指  
揮

行慶所逮羣倫靡不霑漑越五日乙卯次廣寧禮于  
北鎮廟它若遼河渾河太子河秩在祀典者咸先後  
遣官將事懷柔百神山川受職越十日甲子次山海  
關禮于

北海神廟登澄海樓以望海馮夷奔趨恬波效瑞越  
八日壬申謁

東陵如初禮乙亥

車駕至自

盛京若翼日丙子

親享于

奉先殿告成事焉權自發軔熱河六旬有二日而

大禮榛蒨懿鑠顯融夔古無尙臣仰惟

國家光宅大東以建我不丕基

神威燮伐震耀典冊

皇帝虔共昭事既日發金匱馬覽本末灼知於  
受命之原而猶不憚

屢駕之勤

巡行川塋諮度

聖蹟于赫圖阿拉見

剏造之勞於遼瀋見

經營之績於寧遠錦州松山杏山大凌河薩爾濟尙

間崖諸地見



皇天助順集勲制勝之所由然流連勤恁久而彌摯  
細及一名一物亦必反覆敷證以毋忘先民淳厚之  
俗於是摛爲

大文甄謨鑄雅

御製薩爾濟書事臚功勒寶照燭宇宙旣  
宣付刻石其處以詔無窮而前後

詩章規重矩疊無非懷

厥業之不易而益憬惕於

守成之難長言諄復盜溢楮墨爰

命諸皇子敬繕一通積而藏諸秘閣所以

垂訓於億萬禩子孫者

睿慮深長實爲至詳且切若夫植根樹本崇飭典物  
則有如

盛京諸

壇

廟舊領祠官隆墜周塲嚴翼無改復

命將作繕葺規模鼎新奉天所屬諸城歲久侈剝當葺治者十有八

特詔大臣相視大斥帑金撤而甃之埴良土剛金湯永奠四庫全書排輯告歲復於

盛京建

文溯閣分部藏弄琅函玉笈奎壁增輝惟

聖天子眷顧邠岐於事神誠民緯武經文諸大政壹切修明百務具舉而

淵冲默運所以周暨於萬方臣庶者亦無不襲和紹  
德推本

孝熙

宵旰勤咨彌昭

行健臣阿桂侍直樞禁日聆

睿訓仰見我

皇上體

祖

宗之心爲心法

祖

宗之治爲治寅承對越日昃不遑故能精意孚通受

釐集福

至仁達孝一以貫之固非徒豐鎬歌詩祊榆樂土飾  
彌文而侈掌故者所克比擬萬一臣學質樸昧愧無  
以率先館閣諸僚導揚

盛美而職領

起居注法當纂次事實以付史館不揣固陋謹件繫  
日月撰記一篇竊附於記言記動之義曷勝悚戢懼  
忭之至

祝

釐茂典記

紀昀

欽惟我

皇上正位星樞凝神雲牖九陽元氣運橐籥以周流  
二曜貞明轉璣衡而不息

萬萬年綿延鳳紀積算無窮五五數契合龍圖循環  
復始當長庚之直歲

八袞宏開卜太乙之降祥四瀛同慶衢童壤叟咸泳

化而謳吟冰海炎洲亦聞風而詠蹈丁未八月多羅

禮親王

臣

永恩等上占

景命欣叶瑞於南弧博採輿情共陳書於

北闕祈增

舜壽頤陳河渚之符幸荷

堯俞

俯覽封人之願

許以庚戌八月舉行



慶典從衆志也然而

沖懷謙挹

明訓淳詳雖席豫而履豐恒誠奢而示儉戊申三月  
詔以大學士臣阿桂等經理其事曲從民志容申芹

曝之忱仰體

天心不改松雲之素觀瞻所繫惟昭

帝制之莊嚴節度斯存不極人工之巧麗蓋我

皇上執中建極規矩生心稱物平施權衡合道義當

修舉雖億萬而不辭事近紛華卽纖微而亦謹是以  
黃河紫澥斲石攀菱粉堞丹樓鬖郭造邑冬官計直  
恒盈轉運之舟車農部持籌弗靳度支之金幣至於  
春旗遙蒞輯瑞

時巡秋獮

親臨艾蘭講武

屬車所至鄉閭無力役之征

行殿雖陳棟牖鮮雕礪之飾屢聞

丹詔勿踵事以增華或發朱提每量功而給直今逢  
聖節方同文囿之經營預降

溫綸俾守堯階之樸邀持盈保泰

聖心之所見深矣是年八月預行正科鄉試卽以明  
春會試而以正科之歲加舉

恩科歌鹿鳴而開宴不待三年登雁塔以題名探支  
一歲碧桃重放春風長天上之花丹桂添栽秋露浥  
月中之樹銀袍及第咸稱

壽考之作人鐵網求材應見文章之報

國此

行慶施惠之始也至於伏生耆耆白首研經曹鄴棲  
遲青衫隨計來扶鳩杖皆邀免解之

恩得到龍門總入奏名之例人登雲路爭看老鶴之  
冲天官帶冰銜亦似新鷺之出谷蓋年老諸生以鄉  
試

賜第會試

賜職者三載之中殆數百焉是皆我

皇上金華歲講

念典維勤暨水

親臨栽培有素

奎章寶字括典謨雅頌之精

璧府芸籤蒐甲乙丙丁之秘箕疇演範建

皇極以敷言

羲畫傳心觀人文以成化元元本本惟

聖教之開先炳炳麟麟遂儒風之彌盛加以澄清士  
習滌宋儒朋黨之風慎重科名遏唐士貨緣之賈敦  
崇道義俗盡還淳砥礪廉隅人思自立是以滋蘭種  
蕙才彌取而彌多映雪囊螢年益高而益壯幸登  
壽寓得荷

榮光豈非

久道之成俾協彙征之吉歟是月緬甸國貢使至十  
二月臺灣生番亦至白狼亦虺唐姚州旁帶之區青

草黃茅楚莊躡去開之地當年負險避九伐而潛踪  
此口輸誠慕兩階而向化甘稱臣僕不矜驃信之題  
詩無待招徠迥異趙佗之納貢至於峒蠻別種翠嶂  
週圍海國旁支赤嵌控制土風各別在山都木客之  
問王化不通自栗陸赫胥之世屬以樓船下瀨橫衝  
鹿耳之濤戈甲搜巖淨掃雞籠之雪狼弧討逆始知  
七萃之威稜蜃窟傾心願附八閩之版籍鳥言卉服  
到朝廷初習威儀瘴霧蠻烟如天地乍開混沌是皆

皇穹眷命申保佑之無疆故令荒憬歸心昭天人之  
合契當其仰瞻

宮闕經九譯而來庭皆當

俯允臣鄰效三呼而致祝豈偶然歟是年冬禮部侍

郎臣德明以太常寺仙蝶恭

進蒙

御製詩章我

皇上道源涿泗久斥神仙治法唐虞寧矜符瑞故



天文寵錫雖特紀其來儀

聖諭丁寧仍預防夫好異然當昆蟲之俯蟄咸避風  
霜惟茲薄翼之蠓飛近瞻

雲日共聞共見事有明徵時往時來象非偶幻良由  
得天久照逢

洪算之繇延所以與物皆春飲太和之洋溢休徵感  
應則草木長蕃協氣沖澍則禽魚咸若亦似陪筵之  
千叟各遂生成因借表宅之百齡並登仁壽較諸連

珠合璧天著神符九穗雙岐地徵靈契洪纖異類論  
其事似若殊途位育同源考其理實無二致

帝垂獎訓雖云却而弗居

臣

頌昇平未敢闕而不錄

也已酉正月大學士

臣

阿桂等奏請纂修

萬壽盛典摛詞東觀金匱紬文比

壽南山琅函紀盛自

七旬而託始十年之歌頌彌多列八目以分門兩載  
之蒐羅未盡蓋

九重之

綸綽歲歲增宣兼萬國之梯航時時還集浩繁難罄  
本如海之無涯接續添書亦似川之方至羲和測驗  
不能寸晷而周天章亥步量難以數程而盡地固其  
所也是年五月安南阮光平奉表乞降七月西番巴  
勒布亦遣使內附鄧侯去國失地書名鄔子無歸從  
孛不返廢興有數識

天意之所存順逆能明卽

帝心之所鑒觀葵心之向

曰語出中誠信螳臂之當車事由誤犯陳情納贄願

隨

軒帝之合符稽首稱藩不待

周文之因壘當薄海祝

釐之歲恰值攸關計臚歡稱慶之期猶能來賀若夫  
岷源之外地漏山經井絡之餘人依梵域大荒西去  
已遠隔乎坤維懸度東行但遙稱以震旦初以下情

不達觸蠻構釁而兵爭繼因

聖鑒周知虞芮質成而心服稽其龍媒入貢路出三  
巴正逢桂蠹封函人來五嶺聞風驚慄均爲不戰而  
降接踵馳驅大似相期而會若或使之斯亦異矣是  
歲也嘉祥併集已屆

昌辰咨倣彌深猶形

聖藻

德能基福理溯其淵源

聖本希天心符乎幬載九疇布列惟

皇極之居中五事分占信庶徵之有驗文鐫

寶篆銘比湯盤

記勒瑤編義深堯誠上孚

帝緯知息息之潛通

獨握乾樞恒兢兢之密省則有

御製八徵耄念之寶記焉雙鉤精妙墨拓烏金十鼓

團圍石瑩蒼壁援今證古縷陳一器之原流摘謬存

真

親定三家之同異集王言而刻帖妙勝懷仁補周雅  
以成詩遠逾東哲已殘焦尾重膠百衲之琴久碎精  
金再鑄九州之鼎

幾餘旁涉足知

聖智之有餘物小能勤益見

睿思之曲到則有

御製重定石鼓文焉夫岐昌演易法天者在於健行

三三三  
姬旦陳書享國者由於無逸是真保治之樞機抑亦  
延年之符券矣庚戌正月頌

萬壽恩詔於天下大撓推筴候屆新正太皞司辰時  
當元旦笛吹大簇爲東風入律之初柄指攝提是北  
斗回天之始寶袞啟

長生之籙

天祿方增益漿散太極之泉

春祺用錫歲朝申賀拜



翻座而分行

聖節推恩布

綸音而渙號台衡承

旨擎來一卷

黃麻宗伯司儀捧到三層

丹陛鳳啣而下日華耀五色之紋蛾伏而觀風影漾  
雙垂之穗鴻臚迭唱春生廿一條中儀部分

頒澤浹三千界內霆聲啟蟄八負之壘處傾聽雲液

流甘百族之桐生茂豫喧呼相告真如大海潮音沾  
漑無窮未減恒河沙數然而我

皇上淵乎深念彌軫衡茅邈爾遙思先知稼穡

乾元各正雖溥育夫寰中

與命重申再加施於格外更於

頒詔之後

命普免天下錢糧九州成賦爲數原多一體蠲征承  
恩最溥

滋培有素已兩停轉粟之舟

敷錫無疆又四輟催租之吏

膏雨一時而再降九穀增蕃

福星每歲而移躔三年徧到固宜

堯封禹甸人人後舞而前歌兼使戎索蠻疆處處懷  
仁而慕義矣是月十日

命外國貢使隨宴於

御園高句驪東藩之首近接三韓暹羅斛南海之隅

迺通六詔集榕城之市舶獻篚者地號中山欵桂管  
之關門奉表者人居北戶復有天西之絕域驂鹿呈  
圖新從棧北之長途貢葵通道先來後至均當  
慶節之前舊屬新封並入

華林之宴五筵列俎叨天酒之

親斟三國同文喜

宸章之賡和顏師古繪圖貞觀聞所未聞明悉獵聯  
句蓬萊知其不逮豈非山川萬里咸知

盛德之昭所以中外一家能極會歸之盛歟二月

東巡岱嶽

親祀

孔林百神咸秩迹尋黃帝之合宮六莚常昭禮重

素王之闕里萬象入

光明之燭風被青徐四民游樂利之天

恩沾河濟惟

皇歛福無煩探策於山林是處祈

年定信添籌於海屋况乎

臨瞻車服道本崇儒

宏獎詩書政先造士地連郊甸博收冀野之驍駟俗  
尙章縫添種類宮之芹藻燈明黃卷爭奮志於黌中  
草映青袍每成名於額外傳毛萇之雅頌多吟

嘉樂之章習言偃之絃歌半奏

熾昌之咏良有由矣七月緬甸貢使與臺灣生番皆  
復至狼隲初返求

錫命而重來龍戶纔歸因介

眉而再到就瞻志切寧辭川陸之遙頌祝情深敢避  
風潮之險紅綃罽額金葉高擎綠鬪垂腰瓊筵曲跪  
花紋密簇辨佛天香象之形錦段輕舒出海國靈鮫  
之手珍函秘寶宜增修瑞應圖中異狀殊名具譜入  
昇平樂裏他如昔來豐鎬曾錫南車後逮羸劉遂停

北轍迨

威稜之震疊遠被丹垠乃職貢之虔修重輪白雉十

年一貢平時原有常期

萬壽八旬今日特申賀悃飛章先告正當岱宗輯玉之時函表初呈恰符泮水獻琛之地足見綏柔之

德歷久而彌深亦徵銜感之忱有增而無已則南掌貢使至焉攀鞦故地南北二庭突厥遺封東西兩部赤山青海表延斜繞乎長城烏弋黃支控制全歸于都護不侵不叛一百年松漠銷烽無詐無虞二萬里玉關通驛來經雪積知屬國之同心跪上霞觴願



聖人之多壽則蒙古回部咸至焉雷音說法遠接金  
容雪嶺安禪別開銀界西方佛國夙尊大寶法王

東土聖人早識

曼珠皇帝曇花淨域尙傳五百之應真貝葉新經敬  
上十千之

天子企瞻

舜日皆生歡喜之心膜拜

堯階齊賀

延洪之祚則西藏達賴喇嘛班禪貢使至焉大宛舊壤夙建五城毋寡餘民今分二族捎雲古幹問神樹而猶存踞鐵高蹄貢龍媒而屢至時因譯長得聞中土之歡吟敬遣翎侯遠達外臣之賀悃黃雲入塞來經甌脫之區赤帑聯行亦預及間之會則哈薩克貢使至焉周封箕子古有遺風李代王瑤今仍舊國樂浪郡久爲域外實密邇于邊疆覺華島一震天威遂長修夫職貢每逢

聖壽原隨虎拜之班幸值

隆儀更切臆趨之願途經風雨雖淹滯而難行志仰  
雲天竟馳驅而迅赴則朝鮮貢使至焉岷源曲折江  
水東流石紐巉巖維州西控狼心叵測近依巴蜀之  
疆鳥道難登舊是再驩之地自六師之斟定全然列  
戍開屯遂九姓之救寧莫不輸資納賚更番入覲得  
瞻龍袞之光隨隊躋堂亦附雁臣之次則兩金川土  
司至焉若夫呼韓覲漢雖有前聞蘇祿朝明亦徵舊

史然皆偶因他故隨貢篚以來庭都非特矢專誠奉  
壽觥而詣

闕茲獨山程水驛遠跋涉以觀光月館雲階躬趨蹌  
而申慶嘏詞金盞迴逾唐祚之歌蕃樂水絃絕勝龜  
茲之譜核諸越史堯以來之所未聞徵以蠻書唐以  
前之所莫紀則安南國王阮光平親至焉是皆我  
皇上天弧震耀八極宣威

心鏡澄明

九重握算河源柵鼓再清葱嶺之塵月窟牙旗雙獻  
花門之馘闕蠶叢而破陣梟獍巢空跨鯨海而揚舩  
魚龍氣淨路窮地絡九圍拓白阜之圖響徹天閭十  
曲奏黃神之樂是以玉河珠海悉主悉臣鰈水鷓林  
來王來享

九如陳頌際流虹繞電之期四海趨風預鼓瑟吹笙  
之宴會歸之盛至是而茂以加矣七月

聖駕至自

避暑山莊自八月朔爲始日

召王公大臣及諸外藩

錫宴作樂於

同樂園朱廊列坐共侍

堯樽赤帑分曹同聽

軒樂風生繡闌廿四番迭換雲衣響滴銅壺廿二刻  
細浮銀箭對曠曠之日影

化國恒長望穆穆之

天光

聖容倍肅綈囊疊進仍章奏之

勤披錦帙時開更圖書之煩玩管絃聲裏事每

親咨歌舞筵前人猶輪對

起居無倦是爲靜而有常莊敬彌強益信恭則能壽  
此尤近依

日月衆目之所同瞻恭詠臺萊羣情之所共慰者矣

是月十二日

聖駕自

圓明園入

宮金支

啟蹕道路光輝玉軛鳴

鑾人天瞻仰幔亭帳殿稍供

睿賞之

遊觀綵樹繒峰聊作太平之潤色九華煜爚黼繡周  
張百戲駢闐魚龍曼衍蓋



恩膏之沾沃物力原豐故意匠之經營人工殫巧露  
臺猶惜雖知

聖德之謙冲磬鼓弗勝難禁民情之踴躍四圍周顧  
如登切利天宮

六御徐行真見

無量壽佛十三日昧爽

皇上御太和殿受賀千官蔽珮候虬箭而晨趨萬國  
衣冠待鳧鍾而夜警東皇日出五色瞳矐

北極

天臨九關肅穆華旗金翠交動影之龍蛇寶鼎烟雲  
裊薰香之龜鶴五疇

斂福表呈出洛之符

萬歲徵祥拜效呼嵩之願仰

皇躬之康豫應洽裨羸修

茂典之焯煌光昭禮樂豈但天水蘭陵之帝莫比其  
隆抑亦攝提合雒以來未逢斯盛於是上遵

祖制瓊筵展八日之期下慰人情綵服過兩旬之外  
自

天申命僉云弗祿之加羸與衆同歡共卜

修齡之錫羨皇運萬八千歲蕩蕩天長易圖三十六

宮盎盎春滿歌舞溢於九野音兼乎縉侏堯離滋榮

徧於百昌澤浹乎飛潛動植茅簷部屋咸擊壤以歌

唵鷺序鴛班爭操觚而賦詠臣起家詞館本業文章

承乏容臺又司典禮恭逢

聖節叨襄贊乎

鴻儀宣奏和聲用發揚乎

盛烈惟是

乾坤之象非尺寸所能量

日月之光非丹青所可繪每思揆藻動輒含毫况乎

福德兼隆篇章易富上擬班揚之作疊積書山追摹

枚馬之音爭流學海金春玉撞已看衆體之兼陳蠶

酌管闕寧待庸音之複述惟是春風乍暖則鶯囀叢

花夏雨初晴則蟬鳴高樹在小物適逢佳候尙解舒

吮豈微臣幸遇

昌辰竟能輟響緬惟古義守官與守道無殊揆度常  
情所見較所聞爲悉爰稽舊牘起合詞籲請之初敬  
述

新綸至

大禮慶成之日規模畧具惟臚職掌之相關挂漏宏  
多實覺揄揚之不盡雖知駢四儷六非記

言記

動之體裁所欣

咸五登三皆

得壽

得名之證驗獻諸

黼扆惟仰祈

悠久之無疆布在書林庶共識

康強之逢吉

迎日推筭記

邵晉涵

臣聞邃古之初黃帝正名百物淳化播時權輿迎日推筭順天地之紀旁羅日月星辰四時以諧百度以飭厥後推步之術疇人掌之漸推漸密綜其條理顯灼者爲歲行之運爲日至之期爲星中之度循環相生周而復始惟位在德元仁覆天下順氣成象迥然相感通斯籌筭之環轉彌綸遞推而愈積迭演而逾融欽惟

太上皇帝德盛功崇袞被六合胥煦藹以

仁壽之化體

天健行六十年孜孜如一日丙辰週甲之歲月正上  
日懋舉

傳位之典

御太和殿

親授大寶於

皇帝嘉慶書元



恩膏普治

鴻儀式彰馘祖總輯煌乎緯哉百古一會臣恭聆

綸言而敬繹之肇自初元丙辰

虔志默禱塵繩

武之思伸週甲之

願粵至於今丙辰

初志允諧洵

昊蒼之申命用麻也臣惟大撓作甲子而幹枝之名

以立爾雅曰太歲在丙曰柔兆在辰曰執徐劉熙釋  
名曰丙炳也物生炳然皆著見也辰伸也物皆伸舒  
而出也其義與司馬遷班固許慎張揖諸人大指符  
合太歲之行依躔著象臨丙丁辰於氣爲昭明於時  
爲通正六十年而周元氣渾淪蟠乎上下光華彌煜  
孳阜彌殷

盛時之昌會用顯厥兆甲者孚也體仁爲元德孚於  
甲孚春則跂行畢逮孚信則立幹用貞孚誠則悠久

不息泰符舒啟

大聖人紀元週甲所爲翼翼恹恹肇紀篤熙和之茂  
祉哉日至之期積歲而致唐虞冬至日在天龜姬周  
冬至日在星紀苞符彙合緝豫含禎於是冬至日在  
析木之津正中式昭

大聖人之景運雲漢昭回祥開紉纓歲癸巳

南郊以預定儲位虔告

上蒼迎長日之至

嘉賦聿臻夏小正曰時有養日時有養夜戴德傳曰  
養長也

至治滂仁養天下以久寧長又桐生茂豫叶乎長羸  
天庥滋至有適應夫

昌期者矣星行按度歲功迺成說文謂歲星越二十  
八宿宣徧陰陽十二月一次夏日歲取歲星行一次  
也漢書天文志注謂二十八宿十二年而周天此舉  
成數而言覈以歲實則十一年有奇而周天積八十

四年而超辰

聖壽八旬有六協元吉之辰開周天之數順氣成象  
迥然相感通厥有微哉臣竊以布筴推測疇人皆能  
演之維

大德之昭宣爲溥海生民所共覩庸克俟應於  
天同符合撰歲庚戌臣工進

萬壽祝

釐之詞旣焜焯於冊矣於今五稔

盛治日新以嚴

對越則每歲

壇陔

祫享

親致精禋澤應

雩祈

欽觀

實錄長昭

敬

法之誠焉以整邦治則

頒諭

批章不踰晷刻樞臣日接卿尹時宣述職之置吏分  
秩之常銓竝得近

光周知民隱奉爲成憲彰厥有常焉以揚

雅化則

詔刊石經折衷

御論爲四庫

七閣之儲綜其體要

御製集

詩五

文三垂治法之定則集今古之大成焉以閱

偉畧則廓爾喀納賚輸誠綏爰衛藏用儷夫回準金  
川之犁定臺灣交趾之牧寧關地三萬里靡遠弗屆  
成



十全之武德焉以溥

春膏則正賦

五蠲漕糧

三免

普除倚閣之數藏富於民盈寧倍渥

闡澤之稠施疊沛爲從來史牒所未邁焉化洽風淳  
興仁講讓百齡人瑞接跡駢閭七世同居惇崇雍睦  
忱達乎梯航慶敷于陬澨莫不軒夔忭舞合詞臚歡

曰何

天之龍承

天之祐龐洪哉惟

聖世易曰天地之道恒久而不已也洪範以康強逢吉爲大同之象實原於五事之敬

太上皇帝純常堅固之體持恒翊久莊敬

日強所其無逸

允泉府之司以乾隆嘉慶寶文竝鑄集

祉延

禧如川源之引而方至如淳耀之舒而彌長

示衡

訓政昭

執中之緒裕

燕翼之謨月正四日集三千叟

錫宴

錫福

優賚便蕃舉蠙生蛎企之倫相與懋懌於

壽寓是則籌筴之衍宜推一至萬至於億兆京垓  
弗祿康哉

天其中錫無疆哉

聖道執中記

吳錫麒

歲在柔兆執徐實伊耆有事於文祖之載丙汁壽躔  
辰章龍紀麗禡枕被協氣蔭敷

太上皇帝崇紹乾圖環周

甲錄

闡皇王之大法修

授

受之上儀月正元日禮成泰筭炳符媪靈効社曉曉

乎僣僣乎依古以來未有衣德緝麻若

今日之盛者也嘗觀虞書所紀危微精一心法權輿  
特申之以執中之訓用以剴宙合立易威椀剛坏柔  
楫假牖邇延光長世稽古同天三代以還循茲者尠

臣  
備員

清籟珥筆

端闈竊見

聖道昭融

德施汎濩救寧之效畧於

孰沖

勤憊之忱懋於抱蜀方今

大典肇舉

至治丕承靈繹彙臻貞祺欲告推本

謨烈證合圖書皇哉煒哉誠稽耀所無以各鏤牒所  
不能罄也然而放勳敷績重華協淑拜籙膺鈴晏晏  
欽其純造題期立象夔夔表其內心揆厥懿隆統由

劫豈何况

大聖人道超前載化洽重熙心法治法兼總條貫  
臣  
不揣黠陋謹備述夫

詒謀之本以仰窺乎

執中之心言取諸文而義歸於實考帝者之盛烈究  
皇道之極功凡所以迪

萬萬年無疆之庥者眩乎此矣粵若冬

壇夏



澤亥藉辛祈以承

上緯以迓

蕃釐展九獻之儀陳八溢之舞玉圭有邸匏爵無支  
肝蠻豐融樵蒸昆上敬矣然且推尊親之義則道謝  
答

施勒典寶之交則

信昭守實

鞏勞謙於昭事契

皇清三宗廟祭  
卷一  
於穆於面稽是以

甲子延洪籲請通於夙夜丁壬變應感格及乎雨暘  
夫我

大清之發祥於長白也

祖光

宗烈蘊符儲精軼黃靈於壽邱邁蒼牙於成紀岡龍  
雲接石馬風生每當

鑿輅時巡蕭薌旣告展滕局之

弓劍憬古處之

衣冠緬

締造而思艱揚

耿光而繩

武孝矣然且啟

實錄於史歲日循維誦揭

洪圖於樂府時懋仔肩純嘏卜其有常貞符綿於無  
傷是以祥徵

五代襲其慶者二百家源溯

六朝演其流者十一葉易曰君子自強不息書曰君

子所其無逸臣伏讀

經筵御論發明茲禮致爲詳備用是貫九有枋四時  
攝三名叶五紀追結璘之軼景辨扶桑之登光奏庚  
郵而絡馳章

乙覽而周洎澄方薙莠遴牧求芻露灑春愉霜行秋  
肅勤矣然且樞臣日接申覆勉於求寧庶尹詳延寓

回容於展采贊贊共承乎

天咫孜孜猶惜乎陰分是以挺揭萬萌用渙汗其大  
號臯牢百辟僉孚應以實心若夫擷禮樂之菁華考  
古今之得失黃神授策白阜陳圖味剖今腴藻摛古  
艷采歸昌之律繹梵夾之音罄西穴以蒐羅引謨觴  
而斟酌經史子集觀其備淵源津溯極其游榮登臣  
向之編潤灑

帝鴻之硯富矣然且

演迪儒林則全書鼎布

優覃蓬苑則副墨蒨陳締傑閣以宏榘香羣言而光  
被是以星輝東壁占垂象於上圓路玃南車驗同文  
於薄海况復

帝琴播詠

皇極敷言契虹玉以耀鉤握龍璣而甄度

詩編有五

文製逾千運秦媪之洪爐創義軒之年譜鳳苞五采

龍券十華墨徇星雲繪兼藻火煥矣然且

續心燈於羲畫松棟凝輝

演福德於箕疇柏梁流韻晰理則神膏沃飛文則經  
液融是以倬漢爲章

壽考徵於文字鑿乾成象萬物陶於

化工至於

閱兵南苑

行圍木蘭諏吉日而春蒐應新霜而秋獮棘門旣樹

朔馬齊驅輦鐸傳琅闌之聲旌旗耀火茶之色肄苗  
段之一發循艾蘭以三驅赫矣然且詐馬開筵燕私  
飲乎藩部嬉冰

垂賓鳧藻驗于戎行就行圍以洽歡遵

國俗而講武是以

化均甌脫名王皆上

壽而來

寵被糾桓天下以從軍爲樂彼夫星竊月嶠雲戍雪



城揮鞞行伐暴之兵秉鉞振犁庭之勢瞰穹室而薰  
鼠轡威弧而直狼準部螢澆回疆雪沃再平金川之  
寇一出臯蘭之師赤嵌則淨洗妖氛青海則全收馬  
跡

睿謨獨斷

勝算先操取渠魁若撥羶驅小醜如掃萍神矣然且  
待飛章之告漏聽終宵策受降之城網開一面戎豈  
憂其伏莽武乃取於止戈是以氣肅霜原偃草之風

自勁膏回春野洗兵之雨先飛今夫執訛獲醜所以  
告武成也崇化厲賢又以敦士習也樂雍宮之肇造  
頰璧水之環流肆盛禮而習繇練良時而釋采鈴鸞  
應

蹕鼓驚翹春藻綠波榮槐青市拂接麇支於戶牖申  
鐸響于宮牆采獵碣而范碎金軼鴻都而鐫貞石懋  
矣然且

恩沛八科廣甲乙之選試綜五藝備庚子之陳崇實

學以翹材釗茂修而納軌是以名題千佛皓首怵乎  
三升身領羣仙瓊林榮其再宴又若典美劭農

心殷濟衆蔭暘人於暑路饑窮子於寒衢酌木飢金  
穰之通塵寸雪尺霖之告慰鴻磬而加賑憐烏尾而  
豁逋五蠹剔其奸胥九扈趨其嘉殖仁矣然且弛度  
支之幣則正賦

五蠹停轉漕之帆則全租

三貸藏富已盈於蔀屋納隍猶歉于

皇心是以豐年告臻倉箱溢乎千萬芴氣成象戶口  
倍乎京垓且夫神明幽贊軒轅有敷教之臺焉風雨  
會和溫洛有巡方之館焉仰

飛龍之在御瞻華蓋之承辰

莅陪都者四

巡江浙者六測土中於嵩洛訪梵勝于臺懷津門  
覽滄海之雄闕里

禮

素王之宅羲舒按節章亥編程天馬籟雲皇人受穀  
勵戎衿之練武采髦士之陳詩

賞賚及乎黃頭

賜予隆乎白首惠矣然且念中人之產榷榷捐雕載  
後乘之饑閭閻釋供民勞銖細而必省

帝惠波溢而未央是以聲歡若鸞三呼同乎嵩嶽香  
涌成霧萬口誦乎

牟尼夫百谷之王莫大於海天池所釀遂折爲河竹

落溼難桃花漲易經

翠華之臨視

授使者之機宜塘鑿魚鱗隄懲蠹孔三壘洞達九派  
鬢流衛丹漲而皆寧滙清黃而交濟尾閭有洩反壤  
無憂平矣然且慶告安瀾必歸之

昊眷祝虔沉玉謂賴乎

神功念億姓而澹蓄翹

一心以鏤敬是以庚泥螫影羅刹早靜其濤亥旣輸

珍冰蠟亦效其職由是葱嶺以西瀚海以北南極滄  
海東漸朝鮮車書被而澤馬鳴梯航通而銀麀貢凡  
自朱鳶舊俗鹿耳生番廓爾喀二藏而西映咭喇九  
州以外駢陳壤奠翁附爻閭驗壬呂而陳鯁肅寅賓  
而奏雉無思不服似水知歸盛矣然且  
澄嗜慾之源不寶異物

厚維婁之義以柔遠人

大化洽於懷來中孚勲其寧往是以明堂位建八絃

咸仰

帝天王會圖開萬國願遵冠帶夫襲窾種懃寶位也  
嚴義育仁吉祿也勒崇垂閎顯名也均禧錫羨曼壽  
也

大聖人優游於四得之效包舉乎

十全之功要皆握乎大中之道因德致福以脗合驩  
天人之應旣彰帝王之道備矣仰惟

聖祖仁皇帝過化存神紹典詒燕



上治循乎合雒

大化穆於成鳩甄受太和延光

寶紀

帝心克竺

祖烈同符修

太上之鴻儀

受天下之大養

皇上兆嘉旅豫襲慶提釐

矢寅畏於青宮

凜繼承於黃屋

沖懷莫罄

成訓式遵敬勝日躋健行夕惕昔稱用中者舜建中  
者湯

皇上維本此

執中之道帥而行之綿承翼於兩儀協辯章於百姓  
斗車默運玉燭均調庶政和而八風平民氣洽而九

歌作稟

神謨之顯錄侍

寧壽之頤和宴則千叟迭開泉則兩爐並鑄鞏

春秋於億萬慶必續于來昴豈不懿哉豈不懿哉



滿掌院題名碑記

英和

乾隆九年甲子

高宗純皇帝臨幸翰林院時先文莊公官檢討先伯父文恭公官侍講得與分韻聯句之列嗣先後掌院事清華濟美詞林榮之今

天子典學右文光被四表甲子之春舉行

幸院舊典顯融懿鑠千載一時而和適膺掌院之職  
仰惟

兩朝作述之隆俯慶一家遭逢之幸踴躍忭舞無能  
爲喻旣念

國家慎選儒臣規式隆備冀其淹貫經史諸練古今  
以儲公輔卿貳之器而掌院一官近俱以重臣兼揚  
厲鋪張黼黻潤色固職所當然而未足以盡報稱之  
責也和年方三十餘遽冠清班幸直

南書房得聞

聖人之教竊願與同館諸君子砥行厲名敦崇實學

用副

皇上嘉惠優崇之意志焉未逮殊以自愧署中舊有  
掌院題名碑建于乾隆十年半漫漶不可識因與掌  
院大興石君先生謀於二門內分建滿漢二碑彙輯  
前後居是官者我滿洲得三十二人非徒以誌稽古  
之榮也企前修堅素志將於是在旣以自勗並以  
諭後之來者謹記

近光樓記

英和

澄懷園爲康熙朝大學士索公園也當其時

鑾輅賁臨

宸翰親染士大夫相與榮之如三神山之可望不可  
卽也雍正乾隆年間先後

賜兩書房爲下直之所蓋曠典也後不戒於火  
發內帑重葺煥然一新而向之水檻山茨不復覩矣  
巋然獨存者惟斯樓耳和於壬戌正月



名入南齋得居是園每過樓下低徊久之所爲歸然  
者又將頽然矣因鳩工補綴而樓復完名公巨卿咸  
有題詠非樓之幸實和之幸也夫居是樓者不知凡  
幾和之後又不知居者之爲誰何也可慨也然後之  
居者一如和之整棖楹蒔花木勤灑掃護持而不使  
其荒落則亦烏足致慨耶是爲記